

按粵疏稿

府佐患病乞休疏

題爲府佐患病不能赴任謹遵例題

請准令休致事據廣東布政司經歷司呈奉本司劄

付據羅定州申稱准浙江嚴州府壽昌縣呈據

本縣鄉官原任廣東羅定州今陞雷州府同知

商之相具呈稱相五載羅陽兩叨薦拔自服官

蒞任以來適地方有事之日犬馬之力旣竭鼂

鼠之技已窮自分黜幽詎叨量轉四十四年應

朝領程出京中途接報轉陞雷州府同知隨抵家

候憑不虞積勞成病痰火爲祟精神消耗調攝
數月尚未痊可今接到急字一百二十五號文
憑擬圖遵限赴任而弱質不耐炎方力難馳驅
伏乞移文以原官致仕所領文憑水程差役齎
繳等情到縣該縣查看得本官以

覲竣抵家不意痰火爲祟調攝未痊體不勝衣難履
新任呈願休致合無申請等因到州轉報并據
雷州府申同前因該本府看得本官羅陽之去
思正殷雷郡之待佐甚切廼今以痰火乞休情

出真懇相應允從等因連繳文憑一道到司該
本司看得原任羅定州知州商之相新陞雷州
府同知以應

朝順道抵家因痰病未痊繳馮告休情果迫切似
應俯從第推陞未任告休員缺相應選補事干

題

請等因到臣該臣查得

大明會典成化六年奏

准各處撫按官遇有司府州縣官告稱老疾者依例

放回原籍類奏作缺嘉靖二十二年奏

在外官在任患病務由撫按官題

允查明方許回籍今據前因臣謹會同總督兩廣軍
務兼巡撫廣東地方都察院右都御史兼兵部
右侍郎今陞南京戶部尚書侯代周
得原任廣東羅定州知州今陞雷州府同知商
之相老成氣度安練才思三刀已著賢聲二郡
竹看新政乃心翕祈于嚮用而勢忽阻于抱病
旣出真情相應題

請伏乞

勅下吏部再加查議合無將商之相准以原任知州
致仕其雷州府同知員缺另行銓補庶本官得
遂休致之願而地方亦無廢事之虞矣緣係府
佐患病不能赴任謹遵例題

請准令休致事理未敢擅便爲此具本專差承差許
春茂親齎謹題請

旨奉

聖旨吏部知道

前外子

陛下聖明再昭有鑑於前誠恐商之困甚以累封賦限

近刻其書微執國賦員增民戶合商漸減本官錄

錄不致之區區然亦不覺然也之頃矣然終非

新法也

陛下聖明再昭有鑑於前誠恐商之困甚以累封賦限

問過瓊州府葛通判疏

題爲糾劾不職有司以飭吏治以安海邦事萬曆
四十四年正月初六日奉都察院勘劄在吏部
咨該臣題前事論劾瓊州府通判葛經貪類豺
狼淫同徇姦應照貪例革職提問連山縣知縣
涂表不謹揭陽縣知縣謝應謨浮躁重降電白
縣知縣莫與高不及改教緣由本部題覆合候
命下將通判葛經革職仍行巡按御史提問限次年

三月具

奏回銷知縣涂表冠帶間任謝應謨降五級用莫
與高改授敎職等因題奉

聖旨是欽此欽遵移咨劄行到臣該臣案行布政司
轉行知縣涂表等遵照及行按察司將葛經并
一千人證通提到官照依單款事情賊私究問
隨據該司提得葛經等究招解詳前來覆審尚
有撫黎情節未悉駁回覆確又據該司經歷司
呈蒙本司帖文該按察使張應槐問過犯人葛
經招詞呈解到臣該臣覆問得一名葛經年四

十一歲直隸太平府蕪湖縣人由選貢於萬曆三十九年十月二十五日除授廣東瓊州府撫黎通判於四十年四月十八日到任狀招經不合不守官箴貪酷宣淫無忌蒞任未幾因欠京債又不合令府庫吏在官鍾泰運私借庫銀一百兩并濫收書門阜壯共索得程贄多贓湊填前債後府查出私借情弊致累本吏代陪向經苦討始還又在官吏歐德奇撥叅本廳經又不合索取公堂無措連責本吏六十板不已備銀

十一兩送經收受又每遇取辦紬段等物俱係
發票在官鋪戶劉大朝洪文吳振明吳振萃吳
爵華取用經又不合不給全價劉大朝該價銀
二十七兩三錢只給八兩尚少十九兩三錢洪
文該價銀二十五兩六錢止給七兩五錢尚少
十八兩一錢吳振明該價銀九兩六錢止給六
兩尚少三兩六錢吳振萃該價銀七兩一錢止
給四兩尚少三兩一錢吳爵華該價銀九兩四
錢止給五兩八錢五分尚欠三兩五錢五分又

著令在官銀匠吳應朝找換得珍珠重五兩直銀十五兩經又不合只付銀十兩虧價五兩又找得金三兩七錢五分經又止付銀十七兩八錢虧價三兩八錢致各鋪戶苦累缺本又有在官醫生陳思蘭卽陳响因罵育女嫖六傷及不在官生員林健被本生具呈巡道批經提審又不合勒索得陳响銀三十兩香楠板三副有理刑廳在官民壯夏清同未到官王學各不合過送隨將香楠板三副賣得銀八兩五錢湊銀一

兩五錢解脩關王廟支用訖因見嫖六貌美又不合當時收入衙內姦宿及蒙委攝刑廳事務每日投文收狀差役下鄉公取私取主無見在難以計數凡遇婦人赴審不問事情輕重俱先索取寬刑銀兩又有澄邁縣里長脩整刑廳原有遺下舊轎牀經又不合逼勒里長收領折價十兩入已又有刑廳吏先在官王學周因錯漏字眼朴責三十板收監一月有夏清幫丁未到官王文就不合向王學周代索比王學周亦不

合將銀十五兩付與送經求放經又不合收受
入已隨將本吏放免又在官吏梁維祚因承行
馬巡檢申閩客鬪毆等三事俱差不在官民壯
吳宣喚審經疑買票就又不合乘機令夏清嚇
索比梁維祚懼罪亦不合將銀二十兩送經收
受又令另備六兩送齋

詔二生員續梁維祚役滿有不在官吏陳朝魁頂叅
復將前票填用幫差經又不合將陳朝魁責五
十板罰銀五兩脩仙人峒支用訖又有先在官

石良柱以毋告未到官壻潘程欠債比潘程懼
罪亦不合備銀二兩託夏清送經又不合接受
入已又有先在官王學顏因爭田土告不在官
舉人陳宗濂詞發經審又不合勒要王學顏香
二十斤致伊典田辦送經收受訖夏清供認每
香一斤直銀四錢又本廳阜壯工食自經到任
俱扣剋入已不給有瓊山縣解送刑廳阜壯冬
季工食銀六兩八錢七分經又不合私自收入
續各役告領隨還前銀各役發收公用又有定

安縣典史申原任光祿寺監丞先在官甘聞詩
父子欺挾職官申道批發刑廳經又不合嚇以
責監復令不在官快頭吳俊傳意索餽比甘聞
詩懼罪亦不合送銀十五兩經又嫌少不受續
加至五十兩方與接收及委署儋州印務又不
合索取各役拜見銀兩如新舊里長先在官鄭
陳欽黎薛曜曾羊賢等共索得三百兩又各吏
書趨媚餽送吏禮刑工四房吏先在官顏志仁
等各得二兩戶兵二房各得三兩新收六房書

手每房一名又直堂六名共一十二名每名得銀二兩總得銀三十八兩入已有在官門子林鸞項俊吐證及顏志仁新充庫吏不合借支銀兩經就不合將伊朴責二十板勒要免罪顏志仁備銀二十兩僱帳一番直銀二兩送經接受又有役滿庫吏不在官吳邦相亦不合借支銀兩脩理清軍衙宇經又不合乘機提吳邦相責二十板收監半月本吏備銀五兩僱被一番直銀一兩三錢座褥一幅直銀八分送經收受纔